

ANARÂŠ PIVTÂSTEM - kirje almostittemtilálášvuotâ

Sajos 17.12.2012 klo 16.00

Sämitige škovlim- já oppâmateriaallävdikodde uárnee Anarâš pivtâstem - kirje almostittemtilálášvuotâ Säämi kulttuurkuávdáš Sajosis 17.12.2012 tijme 16.00.

Kirje čällee, Ella Sarre, lii šoddâm Aanaar Kesvuonâst. Sun lii oppâm tuoijum enistis säämi ärbivuávláš oppâmvyevi miel. Ella lii tuoijum puohlágán sämituojijd. Sun sáargui pajas jo nuorrân anarâš maaliid. Ko ulmuuh kojädâlškuottii sust kammuid já eres tuoijid, te Ella tuoijuuškuođid meiddei iärásáid-uv. Mangâseh láá-uv peessâm kárvudâttâđ Ela tuoijum pihtásáid.

Mañeláá Ella vaazij pargojođetteijee kuursâ Ruávin-jaargâst. Ko perustume sämituojijd lasanij, te aalmuglášopâttâh orniiškuođij jieškote-uvlágán kuursáid. Ella tooimâi távjá kuursâi máttáatteijen. Ko SMK orniiškuođij tyeijikuursáid, te Ella Sarre lii máttáattâm meiddei tain kuursâin.

Tääl Ella Sarre lii čokkim eellimäigistis čoggâšum já haahâm maaliid, tááiđuid já pargovuovijd anarâškieläláš kirjen. Suu eenist puoh maalih já mitoh lijjii uáivist, sun ij kiävtâm pááppár maaliid sárgumângin. Ääigih kuittâg muttojuh já lii pyeri, et puáris maalih, pargovyevih já tyeijikielâ raaijoo kirjáláš háámán.

Tiervâpuáttim Sajosân uápásmuđ uđđâ kiirján. Kirje tahhee Ella Sarre lii pääihi alne já muštâl mielâst lase kirje siskáldásâst.



T I E R V Â P U Á T T I M !